



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

**CONVENIO DE COLABORACION ENTRE A CONSELLERIA DE ECONOMÍA,
EMPREGO E INDUSTRIA E O CLUSTER DA PIZARRA DE GALICIA PARA A
ELABORACIÓN DUNHA PUBLICACIÓN DIVULGATIVA SOBRE A LOUSA E
DIFUSIÓN NO MERCADO NACIONAL**

En Santiago de Compostela, a 18 de maio de 2016

R E Ú N E N S E

Francisco José Conde López, actuando na representación da Consellería de Economía, Emprego e Industria, en virtude das facultades que, para vincularse neste acto, lle confire o artigo 34 da Lei 1/1983, do 22 de febreiro, reguladora da Xunta de Galicia e da súa Presidencia, e o acordo do Consello da Xunta de Galicia do 27 de marzo de 1991, publicado por Resolución da Consellería de Economía e Facenda do 8 de abril de 1991 (DOG nº 82 do 30/04/1991).

_____, en nome e representación do Clúster da Pizarra de Galicia, en virtude do seu cargo de Presidente.

As partes recoñécense mutua e respectivamente a capacidade suficiente para asinar este convenio de colaboración.

E X P O Ñ E N

PRIMEIRO.- Que a Consellería de Economía, Emprego e Industria, a través da Subdirección Xeral de Recursos Minerais da Dirección Xeral de Enerxía e Minas, de acordo ao establecido no Decreto 175/2016, de 3 de decembro, polo que se establece a estrutura orgánica da Consellería de Economía, Emprego e Industria, en materia de fomento, ten atribuídas as competencias para o impulso de plans, programas, medidas e incentivos económicos orientados ao desenvolvemento, á innovación, ao incremento da competitividade e á internacionalización do sector mineiro de Galicia.

SEGUNDO.- Que o Clúster da Pizarra de Galicia, constituído pola Fundación Centro Tecnolóxico da Pizarra, a Asociación Galega de Pizarristas e a Asociación Nacional de Colocadores de Pizarra, ten entre os seus fins, o incremento do nivel de competitividade do sector da pizarra, promovendo e impulsando a execución de proxectos concretos de carácter innovador e a interacción dos distintos axentes co fin de dinamizar e fomentar as relacións entre eles, servir de centro de documentación para todos os asociados e realizar os estudos, así como calquera outras competencias, facultades ou funcións que se consideren necesarias ou convenientes para o cumprimento dos seus fins.

TERCEIRO.- Que dado o interese coincidente da Consellería de Economía, Emprego e Industria e do Clúster da Pizarra de Galicia na posta en practica dun proxecto para a elaboración dunha publicación divulgativa sobre o Estudo das Lousas de comprensión Litostática e o seu comportamento nas cubertas, así como de difusión e promoción no



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

mercado nacional, ambas partes acordan subscribir o presente convenio de colaboración conforme as seguintes,

CLÁUSULAS

PRIMEIRA.- OBXETO.

O obxecto do presente convenio é o establecemento dun sistema de colaboración entre a Consellería de Economía, Emprego e Industria e o Clúster da Pizarra de Galicia, para a elaboración dunha publicación divulgativa sobre o estudo das lousas de comprensión Litostática e o seu comportamento nas cubertas, así como da difusión das vantaxes do uso da lousa e das súas características e propiedades para a realización de cubertas.

SEGUNDA.- XUSTIFICACIÓN DA DIFICULTADE DE PROMOVER A CONCORRENCIA PÚBLICA.

O feito de que o convenio sexa realizado co Clúster da Pizarra de Galicia, trae como consecuencia que as accións incluídas no mesmo as desenvolva un ente no que se configuran a maioría das empresas do sector da lousa e a Fundación Centro Tecnolóxico da Pizarra que é a entidade que xestiona o centro tecnolóxico da pizarra de Galicia. O clúster integra ao sector da pizarra en Galicia practicamente na súa totalidade, abarcando todo o proceso da extracción, elaboración, comercialización, colocación e de I+D+i, é dicir, toda a cadea de valor da pizarra.

Este obxectivo é coincidente co fin de fomentar as actuacións colectivas que defende a Xunta de Galicia, aunando os esforzos en torno aos problemas do sector, o que permite definir unha planificación estratéxica e unha mellora conxunta, xa que o clúster é a mellor canle para atender ás necesidades demandadas polo conxunto das empresas.

Polo que, atendendo ao carácter singular que se deriva das excepciónais circunstancias nas que se realizan as actividades obxecto de convenio, concorren circunstancias que determinan a dificultade de promover a concorrència dada a finalidade e as características específicas das actuacións a realizar, aos efectos do establecido no artigo 19.4. c) e 26.2 da Lei 9/2007, do 13 de xuño de subvencións de Galicia.

TERCEIRA.- OBRIGAS DO CLUSTER DA PIZARRA DE GALICIA.

O Clúster da pizarra de Galicia levará a cabo as actuacións obxecto do convenio, e en concreto:

1.- Publicación.-

Elaborará unha publicación divulgativa na que se recollerá o Estudo das Lousas de comprensión Litostática e o seu comportamento nas cubertas.

O desenvolvemento da normativa europea sobre lousas para cubertas inclúe tres definicións comerciais deste material, que é preciso sexan coñecidas polos prescritores, e usuarios en xeral, dada a diferenza de comportamento que cada unha delas proporciona, cando se colocan nunha cuberta. Estas son: Lousas para cuberta, non carbonatadas, de compresión tectónica, Lousas para cuberta, non carbonatadas, de compresión litostática e Lousas para cuberta



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

carbonatadas. (PNC). Na publicación obxecto do convenio abordarase, con criterios científicos obxectivos, o estudo das lousas denominadas de compresión litostática.

Desta publicación editaranse 3.000 exemplares en papel e elaboraranse ademais en formato dixital para colgar na web e o seu envío. Farase chegar a perfís estratéxicos e prescriptores de opinión, a través de diferentes canles.

2.- Xornada divulgativa.-

Presentación oficial da publicación. O punto de partida para comezar a difusión da publicación será a organización dun acto de presentación oficial nunha cidade galega, para que teña repercusión en Galicia e no ámbito nacional, no que participarán representantes do Clúster da Lousa de Galicia.

3.- Promoción da lousa como material de cubertas e fachadas.

Esta acción irá dirixida aos prescriptores e ao público en xeral, para iso contratarase un gabinete de prensa e farase publicidade nos distintos medios de comunicación. Ademais de informar aos prescriptores e ao público en xeral das características técnicas do produto e dos sistemas de colocación, publicitarase o plan renove de cubertas de lousa e fachadas por consideralo un instrumento de dinamización do sector, das economías das zonas produtoras e das áreas onde se renoven as cubertas e fachadas, coa correspondente xeración de emprego. Esta acción executarase da seguinte maneira:

a).- Gabinete de prensa

Durante todo o tempo que dure a campaña, manterase activo a nivel nacional un gabinete de prensa que se encargará de ter contacto permanente cos medios de comunicación (nacionais, galegos e especializados) e de dar difusión ás actividades que se realicen.

b).- Publicidade en revistas técnicas e diversos medios de comunicación

Farase publicidade nas revistas técnicas e en diversos medios de comunicación, tanto en prensa escrita como on line. Tamén se fará algunha acción de promoción na TVG

Así mesmo o Clúster deberá cumprir coas seguintes obrigas:

1. Destinar o importe do financiamento do presente convenio ao obxecto e finalidade que se contén no mesmo no período comprendido entre o 1 de xaneiro de 2016 e o 15 de decembro de 2016.
2. Comunicar a Consellería de Economía, Emprego e Industria a obtención de subvencións e axudas para a mesma finalidade que a do presente convenio, procedentes de calquera outra Administración Pública ou de entes públicos ou privados, nacionais ou internacionais.
3. Facer constancia expresa da colaboración da Dirección Xeral de Enerxía e Minas, incluíndo a imaxe corporativa institucional que esta lle facilite, en toda información e publicidade da actividade obxecto do convenio, difundíndoa de maneira adecuada e situándoa en lugar destacado e visible, de maneira suficientemente perceptible.



XUNTA DE GALICIA

**CONSELLERÍA DE ECONOMÍA,
EMPREGO E INDUSTRIA**

Dirección Xeral de Enerxía e Minas

galicia

4. Acreditar ante a Consellería de Economía, Emprego e Industria, con anterioridade a sinatura do presente convenio, que se atopan ao corrente das obrigas tributarias e da seguridade social.
5. Proceder ao reintegro, total ou parcial dos fondos percibidos e dos xuros de demora correspondentes dende o momento do pagamento da subvención ata a data na que se acorde a procedencia do reintegro, nos supostos previstos no artigo 33 da Lei 9/2007, do 13 de xuño de subvencións de Galicia.
6. Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das funcións de fiscalización e control do destino das axudas.
7. As obrigas recollidas no artigo 11 da Lei 9/2007, de 13 de xuño de subvencións de Galicia.

CUARTA .- OBRIGAS DA CONSELLERÍA DE ECONOMÍA, EMPREGO E INDUSTRIA.

A Consellería de Economía, Emprego e Industria, por medio da Dirección Xeral de Enerxía e Minas financiará os gastos que xeren as actividades obxecto do presente convenio ate un máximo de CIENTO CORENTA E CINCO MIL EUROS (145.000,00 €) IVE incluído, con cargo á aplicación orzamentaria 09.20.734A-781.0, “Convenios co clúster da pizarra para a realización de diversas actuacións dirixidas ao sector da Lousa”, dos orzamentos xerais da comunidade Autónoma para o ano 2016. O orzamento dos gastos por actividades é o seguinte:

ACTUACIÓNS	ORZAMENTO
Publicación	15.000,00
Xornada divulgativa	5.000,00
Gabinete de prensa	20.000,00
Publicidade en revistas técnicas e diversos medios de comunicación	75.000,00
Gastos xerais	30.000,00
TOTAL CONVENIO 2016	145.000,00

Calquera modificación das cláusulas do presente convenio deberá ser solicitada á consellería, quen decidirá sobre a súa procedencia, e no caso de aceptarse se levará a cabo á súa formalización mediante a correspondente “addenda”, consonte ao artigo 35 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Sen prexuízo do anterior e sen necesidade de instar procedemento de modificación de subvención, poderanse aceptar variacións nas partidas de gasto do proxecto subvencionado coa limitación do 15 %, sempre que non aumente o importe total do gasto aprobado e que non se desvirtúen as características do proxecto.

No caso de que o investimento realizado teña un custo inferior ao inicialmente previsto e sempre que isto non supoña unha realización deficiente da totalidade do proxecto, a contía da



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

subvención reducirase proporcionalmente, manténdose constante a porcentaxe da axuda respecto ao custo total do investimento

QUINTA.- SUBCONTRATACIÓN E OS SEUS LÍMITES.

A subcontratación dos servizos necesarios para acometer as actividades a desenvolver ao abeiro do presente convenio poderá acadar ata o 100 % das mesmas, e realizarase de acordo aos límites e obrigas establecidos no artigo 27 da Lei 9/2007, de 13 de xuño, de subvencións de Galicia e no artigo 43 do seu regulamento. En todo caso, a Consellería de Economía, Emprego e Industria poderá comprobar, dentro do período de prescrición, o custo así como o valor de mercado das actividades subcontratadas.

De conformidade co apartado 3 do artigo 27 da Lei 9/2007, de 13 de xuño, cando a actividade concertada exceda do 20 % do importe da subvención e o dito importe sexa superior a 60.000 € a subcontratación deberá cumprir os requisitos seguintes:

- a) que o contrato se celebre por escrito.
- b) que a celebración do mesmo se autorice previamente pola Consellería de Economía, Emprego e Industria.

A entidade beneficiaria non poderá concertar a execución total ou parcial das actividades subvencionadas con empresas ou persoas vinculadas coa entidade solicitante, agás que concorran as circunstancias previstas no artigo 27.7 d) da Lei 9/2007, do 13 de xuño.

No caso de que a entidade beneficiaria reúna os requisitos previstos no artigo 3.3 b) do Real decreto legislativo 3/2011, do 14 de novembro, polo que se aproba o texto refundido da Lei de contratos do Sector Público, terá consideración de poder adxudicador, e polo tanto, deberá someterse á disciplina de contratación pública nos termos previstos no devandito texto normativo.

SEXTA.- PAGAMENTO.

De acordo ao establecido no artigo 63 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, poderase realizar un pagamento anticipado de ata un 50 % da subvención concedida, con carácter previo á xustificación, como financiamento necesario para poder levar a cabo as actuacións inherentes á subvención. A concesión do anticipo realizarase mediante resolución motivada, previa solicitude do beneficiario.

No caso de que o pagamento do anticipo supere os 18.000 euros, o beneficiario deberá constituír a correspondente garantía, nos termos do establecido no artigo 67 do Decreto 11/2009 do 8 de xaneiro.

O segundo pagamento polo importe restante do anticipado, realizarase unha vez xustificada a realización das actuacións descritas na cláusula terceira, na forma e cos requisitos previstos na cláusula oitava.



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

SÉTIMA.-INCOMPATIBILIDADE CON OUTRAS AXUDAS.

O financiamento das actuacións obxecto do presente convenio por parte da Consellería de Economía, Emprego e Industria será incompatible con outras subvencións, axudas, ingresos ou recursos para a mesma finalidade, procedente de calquera administración ou ente público ou privado, nacional, da Unión Europea ou de organismos internacionais, a menos que as posteriores axudas se destinen a unha ampliación ou mellora da actividade subvencionada e sen que en ningún caso se rebase o custo.

OITAVA- PRAZO E FORMA DE XUSTIFICACIÓN

A data límite para a presentación da correspondente xustificación da realización das actividades do presente convenio, será o 15 de decembro de 2016. Admitiranse os xustificantes de gastos realizados dende o 1 de xaneiro de 2016 ata o 15 de decembro de 2016.

A xustificación da subvención por parte do beneficiario realizarase mediante a achega da seguinte documentación:

A. Certificación do órgano que teña atribuídas as facultades de control da toma de razón en contabilidade do cumprimento da finalidade do convenio e da aplicación dos fondos destinados para tal efecto.

B. Declaración responsable do rendemento da conta xustificativa segundo o modelo recollido no Anexo I do presente convenio que inclúa o seguinte:

1. Unha Memoria de Actuación xustificativa do cumprimento das actividades obxecto do convenio. Presentarase un informe final detallado con indicación o grao de cumprimento respecto ao planificado e os resultados obtidos, no seu caso, achegarase un exemplar dos estudos ou proxectos elaborados, así como calquera entregable, material gráfico, folleto ou fotografías que se obteña no desenvolvemento de cada actividade. Así mesmo, deberá acreditarse o patrocinio da Xunta de Galicia.
2. Unha Memoria Económica xustificativa do custo das actividades realizadas que conterá:
 - a. Unha relación, por orde cronolóxica, clasificada dos gastos e investimentos, con identificación do acredor e do documento, o seu importe, data de emisión e data de pago. Esta táboa virá asinada e selada polo responsable da entidade. (Ademais do formato papel entregarase formato Excel de acordo aos modelos establecidos no anexo).
 - b. Orixinais ou fotocopias compulsadas dos documentos acreditativos do investimento ou actuación consistentes en facturas dos provedores ou documentos de valor probatorio equivalente:

Os documentos de gasto ordenaranse seguindo a mesma orde que a indicada na relación clasificada dos gastos.

As facturas e xustificantes de gasto deberán reunir os seguintes requisitos, de acordo co establecido no Real Decreto 1619/2012 relativo ás obrigacións de facturación:



- Deberá poder identificarse de forma clara o número da factura e a súa data de emisión.
- Deberá identificarse correctamente tanto o destinatario dos bens ou servizos como o obrigado a expedir a factura, incluíndo as súas correspondentes razóns ou denominacións sociais, números de identificación fiscal e domicilio.
- O concepto da factura deberá ser claro e relacionado coa actividade subvencionada, describindo as operacións e a data de realización das mesmas.
- No caso das subcontratacións o documento xustificativo ou factura deberá facer referencia á actividade ou tarefas subcontratadas no marco do proxecto en cuestión.
- Deberá poderse identificar o tipo impositivo ou tipos impositivos aplicados ás operacións.
- Finalmente, deberá poderse identificar a cota tributaria repercutida, que deberá consignarse por separado.

En calquera caso, o importe xustificado de cada factura será o valor total da mesma sen IVE. Para poder incluír o IVE como gasto financiable, o beneficiario deberá presentar o correspondente Certificado de estar exento do pago do IVE.

Cada documento xustificativo achegado deberá conter un selo da entidade no que se indique a imputación do gasto ao proxecto subvencionado. Para isto deberá indicarse como mínimo: Nome da entidade subvencionada, nome do convenio ou orde reguladora da subvención e contía imputada.

Se as facturas están en idioma distinto do galego ou español, deberase achegar tradución da descrición do servizo, subministración ou outro tipo de gasto que corresponda, debéndose axustar as facturas aos requisitos que esixa a lexislación de cada país estranxeiro.

Para a xustificación dos gastos de persoal deberá achegarse:

- Para as retribucións: Nóminas e contratos de traballo.
- Para as cuotas da Seguridade Social: Modelos TC1/ TC2 da TGSS. Se sinalarán no documento as liñas correspondentes aos traballadores que imputan horas ao proxecto.
- Xustificación bancaria do pago das nóminas e do pago da Seguridade Social.
- Para a imputación das horas: Unha certificación asinada e selada polo responsable da entidade, na que conste: nome e apelidos do persoal, posto de traballo que ocupa na entidade, tarefa que desempeñou relacionada coa actividade subvencionada, número de horas adicadas, custo hora e importe total imputado.



O custo hora calcularase do seguinte xeito:

$$\text{Custo/hora} = (X + Y) : H$$

X = Retribucións íntegras satisfeitas ao empregado, de acordo co declarado no modelo 190 do IRPF ou nóminas e contrato. Neste concepto non se inclúen importes correspondentes ás dietas.

Y = Cuota patronal anual satisfeita á Seguridade Social polo traballador, calculada aplicando á base de cotización expresada nos modelos TC2 debidamente identificada multiplicada polo coeficiente final resultante de la aportación do beneficiario á Seguridade Social por ese empregado.

H = Horas anuais do empregado segundo o convenio de aplicación ao beneficiario.

No tocante aos gastos de viaxe (máximo dúas persoas) considerarase como gasto máximo por desprazamento, realizado a través de autobús, tren ou avión, o importe do billete. En caso de utilización de vehículo particular, o gasto máximo será por quilómetro percorrido nas contías establecidas para o persoal funcionario no Decreto 144/2001, de 7 de xuño de indemnizacións por razón do servizo ao persoal con destino na Administración autonómica de Galicia. Os gastos máximos por aloxamento e manutención serán considerados nas contías establecidas para o persoal funcionario, no Anexo II, Grupo 2, do Decreto antes citado.

Estes gastos xustificaranse mediante a presentación da seguinte documentación acreditativa:

- Os gastos de aloxamento e manutención xustificaranse mediante o documento de liquidación de dietas, podendo utilizar o modelo que aparece no Anexo e debendo presentar a correspondente factura expedida polo establecemento hostaleiro ou pola axencia de viaxes. Non serán obxecto de subvención os gastos extraordinarios como os de teléfono, minibar, etc
- Os gastos de desprazamento xustificaranse mediante documento de liquidación de dietas e gastos, detallado igualmente no Anexo, acompañado en todo caso dos correspondentes billetes e factura da Axencia de Viaxes.
- Se o desprazamento realízase con coche propio, indicarse a matrícula do mesmo.
- No caso de que se utilizaron os servizos dunha axencia de viaxes, deberase presentar, ademais da factura da mesma (na que se especifique o número de persoas e días de estancia, así como os conceptos obxecto do gasto: transporte, aloxamento, etc.) as facturas individuais ou colectivas dos establecementos hostaleiros ou documento acreditativo da prestación do servizo, así como os títulos de transporte para o mesmo fin.



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

- Cando as facturas sexan colectivas, presentarase a correspondente certificación da entidade na que conste o nome e relación coa entidade dos usuarios.

No caso de licitar un procedemento de contratación que teña que tramitar o Clúster como poder adxudicador, copia de toda a documentación que forma o expediente de contratación da execución das obras o servizo (anuncio, pregos de cláusulas administrativas e a adxudicación do contrato).

Os custes indirectos poderán formar parte da xustificación da subvención, sempre que o Clúster impute estes á actividade subvencionada na parte que razoablemente corresponda de acordo cos principios e normas de contabilidade xeralmente admitidas e, en calquera caso, na medida en que tales custes correspondan ao periodo en que efectivamente se realiza a actividade. Neste caso, deberanse reflectir os criterios de reparto dos custes indirectos incorporados. Para a xustificación destes gastos pódense admitir os contraídos pola Asociación Galega de Pizarrístas, por ser membro do Clúster e porque os gastos de electricidade, mensaxería, mantemento de equipos e demais gastos correntes figuran ao seu nome, aínda que presten os servizos e benefician tamén para o Clúster.

c. Orixinal ou copia compulsada da documentación bancaria dos pagamentos (excepción feita daqueles documentos dos que a empresa non custodia orixinais –cheques-). Presentarase adxunto a cada documento de gasto o seu correspondente documento de pagamento e o extracto bancario onde figure o cargo correspondente.

No caso de que exista un mesmo documento de pagamento para varios documentos de gasto, deberase fotocopiar o documento de pagamento tantas veces como documentos de gasto aos que faga referencia, e achegarase a cada un dos documentos de gasto unha copia do devandito documento de pagamento.

Non se admiten os pagamentos en efectivo, agás para a compra de pequeno material, sempre coa acreditación da factura e/ou recibín, e sempre que non se superen os 300 euros. Neste caso deberase remitir un recibín selado polo proveedor especificando, nome completo da persoa que asina, DNI e o número de factura e a data na cal o pagamento fíxose efectivo.

Os xustificantes bancarios de pagamento deben coincidir exactamente co importe da factura, IVE incluído. No caso de que o importe reflectido no documento bancario non coincida co importe do documento de gasto (pagamento agrupado), deberase remitir un desglose dos pagamentos efectuados xunto cos documentos de gasto, onde se poida identificar o gasto en cuestión.

3. Xustificante das axudas obtidas ou declaración das solicitadas ou que se prevé obter para o mesmo investimento en calquera outra administración, entes públicos ou privados, nacionais ou internacionais; indicando a súa contía.

4. Certificados acreditativos de estar ao corrente nas obrigas tributarias e coa Seguridade Social e de non ter pendente ningunha débeda, por ningún concepto, coa Administración pública da Comunidade Autónoma.

5. Copia compulsada do último recibo do IAE, cando o beneficiario deba estar dado de alta no imposto de actividades económicas. No caso de que o beneficiario fose suxeito pasivo



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

do IAE pero estivese exento do pago deste tributo, aportará declaración responsable na que se fagan constar tales circunstancias. Por último cando o beneficiario non estea suxeito á citada obriga tributaria aportará declaración responsable na que figure que non está suxeito a dito imposto.

De ser o caso, memoria a que se fai referencia no segundo parágrafo da cláusula cuarta relativa á xustificación da non elección do adxudicatario do contrato coa proposta máis vantaxosa.

A Consellería de Economía, Emprego e Industria resérvase o dereito de solicitar toda a documentación que considere precisa, en relación coa xustificación do cumprimento do obxecto do convenio.

NOVENA.- CONTROL.

A Consellería de Economía, Emprego e Industria poderá levar a cabo as actividades de inspección que considere oportunas para controlar o cumprimento da subvención.

Alén do anterior, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño de subvencións de Galicia. Así mesmo, a entidade beneficiaria estará sometida ás actuacións de comprobación previstas na lexislación do Tribunal de Contas e do Consello de Contas, e á obriga de facilitar toda a información que estas lle requiran consonte ao artigo 40.1.h) do Decreto 11/2009 do 8 de xaneiro.

DÉCIMA.- PUBLICIDADE.

A entidade beneficiaria do presente convenio consente expresamente o tratamento necesario dos datos relevantes deste convenio e a súa publicación na páxina web, no Diario Oficial de Galicia, da Consellería de Economía, Emprego e Industria, coas excepcións previstas no artigo 15.2º d) da Lei 9/2007, do 13 de xuño, de subvencións de Galicia.

Do mesmo xeito, de acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, consente expresamente a inclusión e publicidade dos datos relevantes referidos, no devandito rexistro.

UNDÉCIMA.- COMISIÓN DE SEGUIMIENTO.

A Consellería de Economía, Emprego e Industria, e o Clúster da Pizarra de Galicia nomearán cada un representante para realizar o seguimento e control do establecido no presente Convenio.

DUODÉCIMA.- CONFIDENCIALIDADE.

O Clúster da Pizarra de Galicia se compromete a manter a confidencialidade de toda información facilitada que teña dito carácter.

Cando o Clúster da Pizarra de Galicia desexe utilizar algún dato que teña carácter de confidencial para a súa publicación ou difusión, deberá solicitar a súa autorización da Consellería.



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

DÉCIMO TERCEIRA - RELACIÓN LABORAL COA CONSELLERÍA.

A subscrición do presente convenio non leva consigo relación laboral, contractual ou de calquera outro tipo entre os profesionais que vaian desenvolver as actividades a desenvolver no presente convenio e a Xunta de Galicia, de maneira que non se lle poderá esixir responsabilidade algunha, nin directa nin subsidiaria, polos actos ou feitos acaecidos no desenvolvemento do mesmo.

DÉCIMO CUARTA.- MODIFICACIÓN.

Calquera modificación dalgunha das cláusulas do presente convenio deberá ser acordada polo Clúster e solicitada á CEI, quen decidirá sobre a súa procedencia, e no caso de aceptarse se procederá á súa formalización mediante a correspondente “addenda”, consonte o artigo 35 do Decreto 11/2009, polo que se aproba o Regulamento da Lei 9/2007, de 13 de xuño, de subvenciones de Galicia, de conformidade co previsto no artigo 14.1.m da Lei de subvenciones de Galicia e tendo en conta o seguinte:

- A solicitude deberá presentarse antes de que conclúa o prazo para a realización da actividade.
- A modificación se poderá autorizar sempre que non dane dereitos de terceiros.
- Para a modificación non poderán ser tidos en conta requisitos o circunstancias que debendo concorrer no momento no que asinou o convenio tiveran lugar con posterioridade a súa sinatura.
- A Administración poderá rectificar de oficio o convenio cando dos elementos que figuren na mesma se deduza a existencia dun error material, de feito ou aritmético.
- Cando a modificación do convenio implique modificación do importe total concedido ou de su reparto entre anualidades se tramitará a correspondente modificación do expediente de gasto.

DÉCIMO QUINTA.- VIXENCIA.

Este convenio entrará en vigor ao día seguinte da súa sinatura e estenderá a súa vixencia ata o 15 de decembro de 2016, e pola propia natureza das actuacións a desenvolver non é prorrogable a vixencia do mesmo. Consonte ao recollido na cláusula novena admitiranse actividades do presente convenio anteriores á súa sinatura levadas a cabo dende o 1 de xaneiro de 2016.

DÉCIMO SEXTA.- RESOLUCIÓN.

Serán causas de resolución do presente convenio procedendo ao reintegro, total ou parcial, da axuda percibida e dos xuros de demora correspondente dende o momento do pagamento da subvención ata a data na que se acorde a procedencia do reintegro, as determinadas no artigo 33 da Lei 9/2007, do 13 de xuño.

En especial, son causas de resolución do presente convenio as seguintes:



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Enerxía e Minas

galicia

- A desviación dos fondos outorgados para outra finalidade distinta da sinalada neste convenio.
- O incumprimento da obriga da xustificación do investimento realizado.
- O incumprimento de calquera outra das cláusulas establecidas no mesmo.
- O transcurso do tempo estipulado sen que se desenvolva o mesmo.
- O acordo mutuo das partes.

DÉCIMO SÉTIMA.- PERDA DO DEREITO AO COBRO E REINTEGRO DA AXUDA.

1. Producirase a perda do dereito ao cobro da axuda ou, no seu caso, procederá o reintegro da mesma cos intereses correspondentes, nos supostos e termos establecidos no artigo 33 da Lei 9/2007, do 13 de xuño de subvencións de Galicia.

2. O reintegro das axudas rexerase polo establecido no Título II da Lei de subvencións de Galicia e no Título V do Regulamento da devandita Lei.

3. Na gradación dos posibles incumprimentos que determinen a perda do dereito ao cobro ou o reintegro das axudas, teranse en conta os seguintes criterios:

a) Cando o cumprimento polo beneficiario aproxímese de modo significativo ao cumprimento total e acredítese por este unha actuación inequivocamente tendente á satisfacción dos seus compromisos, a cantidade a reintegrar virá determinada pola aplicación dos seguintes criterios de proporcionalidade:

1.º O incumprimento dos obxectivos parciais ou actividades concretas da actuación levará a devolución daquela parte da axuda destinada ás mesmas.

2.º A realización de gastos fora do prazo de execución, suporá a devolución das cantidades investidas fora de prazo.

3.º A non presentación das correspondentes xustificacións, de acordo co establecido na cláusula oitava do presente convenio, levará a devolución das cantidades percibidas e non xustificadas, logo do requirimento establecido no punto 2, artigo 45 do Regulamento da Lei 9/2007, de 13 de xuño de subvencións de Galicia.

b) O incumprimento total e manifesto dos obxectivos establecidos no presente convenio será causa de reintegro total da axuda.

DÉCIMO OITAVA.- NATUREZA E RESOLUCIÓN DE CONFLITOS.

O presente convenio ten carácter administrativo. Correspóndelle ao conselleiro de Economía, Emprego e Industria a interpretación do mesmo e a resolución das dúbidas que xurdan sobre o seu cumprimento, sendo os acordos tomados neste sentido inmediatamente executivos. As posibles cuestións litixiosas serán de coñecemento e competencia da orde xurisdiccional contencioso-administrativa de conformidade coa Lei reguladora de dita xurisdición.



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA
Dirección Xeral de Enerxía e Minas

galicia

DÉCIMO NOVENA.- SUPLETORIEDADE.

O presente convenio queda excluído do ámbito de aplicación do Real decreto lexislativo 3/2011 de 14 de novembro, polo que se aproba o texto refundido da Lei de contratos do Sector Público, en virtude do establecido no seu artigo 4.1, sen prexuízo da aplicación dos principios do devandito texto legal para resolver as dúbidas e lagoas que puideran presentarse.

O presente convenio rexerase polas súas propias cláusulas e en todo o non recollido nelas aplicarase o disposto para esta materia na Lei 9/2007, do 13 de xuño, de subvencións de Galicia e demais normas de dereito administrativo.

Tendo lido o presente convenio e, en proba de conformidade asínase por todas as partes, por triplicado exemplar, no lugar e data ao principio indicados.

POLA CONSELLERÍA DE ECONOMÍA,
EMPREGO E INDUSTRIA DA XUNTA DE
GALICIA

POLO CLÚSTER DA PIZARRA DE
GALICIA

Francisco José Conde López